

國  
朝  
文  
錄

四照堂集文錄引

四照堂集者南昌王于一先生之所著也。往予在京，謁汪瑟庵先生，相與論吾鄉古文，不數魏叔子而稱于一。四照堂集然求之外間，惟近人所刻國朝二十四家首列于一先生文，寥寥數首，未爲大觀。他家又有譏先生文爲不脫小說家習氣者，全集久未之見。中心養養，幾疑瑟庵先生之言爲過。前歲在龍泉，交南昌龔子歐，可謂近與同志捐資刻四照堂集，尚未畢工。予聞之大喜，囑以見遺一部。去秋抵灌城，歐可遂以此贈。其時匆匆翻閱一過，未及細領。今秋歸自金陵，復取讀之首卷書三首，便足壓倒一切傳體。

取法遯固氣韻沉雄碑記間用古格序或有冗處率處而情至之作實不可刊大抵感懷家國意興淋漓高壯蒼涼不可一世而神與古會動合自然或縱或擒皆堪把玩以視魏叔子雖少遜而較他家之有其文而不足於意有其意而不足于神者則勝之多矣因亟加評點擇其尤者錄爲二卷上高李祖陶

西照堂目錄

卷一

與顧亭林書

答毛馳黃書

與友論文書

榕卮序

朱甯文刊上草序

宋遺民廣錄序

贈鮑林梁公序

贈喬簡襄歸晉序

昌谷集註序

李母王太夫人八十壽序

卷二

梁烈婦傳

兵科給事中張公傳

孝廉張公傳

許氏七義烈傳

樗叟傳

湯琵琶傳

桓輿記

葬宋金將軍墓碑

揚州募建許真君行宮疏

錢烈女墓誌銘

書袁山人先生四山樓藏卷補入潯陽手蹟事

表貞遺墨并言

題明宣宗畫冊

題馮大將軍像贊

字字老鍊

贊

四照堂文錄卷一

南昌王猷定于一著

後學上高李祖陶欽

高安單鳴球僊

興顧亭林書

日從元隙中快盼緒論、受教良多、僕自慚老馬、不堪鞭策、而世之  
謬愛者、復欲強之、歷九折之坂、而不已。此顏闔之所謂必敗也。比  
者、鬱火上炎、病發兩目、不能窺篋字、昨稍平復、取足下救文格論  
讀之、如飲良藥、因思學人通病、在于讀書寡識、不能觀理、而又執  
心粗翹、急於見名、始不能疑、何繇得悟。如是者、安可與之上下今



古言文章得失之故乎。足下學殖既富，勤且敏矣。更心析秋毫，遇一事一物，如赴大敵，必以全力注之。此古人之所難也。但中有一二則，願其商榷，未必有當。願足下教之。書云：不當爲人作傳。僕向與錢牧齋先生言之，亦如足下云云也。退而思之，殊不盡然。古人輯軒所採，每據家乘以爲國史。故太史公以司馬家傳纂入史記。范史以鄧禹傳藁列于漢書。他如龐娥傳爲皇甫之私筆，高士傳屬中散之野編，推而至一家言。若華嶠漢典、張勃吳錄、魏澹魏書、車頻秦書、王隱何法盛十八家晉史，中間皆有列傳，豈皆身列石渠金馬之班，方可與銀管麟角之席乎？且作者審時，孔子以尼山

布衣痛世道之亡而作春秋知與罪總不暇計學者無孔子之聖  
自不敢妄擬褒誅然史有時不在朝而在野蘭臺不能守經通人論草莽  
自當達變不然天下之忠魂貞魄幽蔽泉壤而姓名不著于後世  
于後死矣賴焉若曰誌銘行狀亦是傳矣誌銘行狀一家之私言  
也其爲人子孫者求顯其祖父吾始得援其實而志之苟其子孫  
之無求于吾止當作傳不當作誌狀若無子孫無墓又無生平履  
歷之可紀其大節不過數事此可以爲誌狀乎故愚以爲無妨作  
傳者此也據論年號當以實書竊謂義以事起制因時變故改元  
編年在漢後遂爲正朔之巨典尊卑正僞于此攸分倘雜用各國

年號豈所以大居正定一尊乎。且後代與前朝不同。紀號較紀數  
畧重。原不得以春秋侯國爲例。蓋春秋魯史也。有內外之殊。無上  
下之體。故鄭僖四年。鄭簡元年。皆可彼此互言。相爲主客。若綱目  
紀年。實以天子臨庶邦。正統厭偏霸。冠裳未可倒置。眞僞未可齊  
登。愚以爲南北朝之諸君。唐末之十國。不妨分注年號。以明列土  
相敵。莫爲君臣。乃若三國魏吳。及晉之十六國。宋之遼金。自當統  
于所屬。尊無二上。又烏得紛紜雜出。漫無紀綱乎。至天鳳地皇諸  
號。茲特新莽篡漢。海內無君。不得不姑以大號歸之。亦從實以書。  
無礙正論也。據云非三公不得稱公。然楚葉公白公皆大夫也。而

稱公此而爲僭則齊亦有棠公矣齊未嘗稱王而其臣得稱公何  
與如以爲楚之邑邊吳而特重其號則吳亦邊楚何以不重其號  
耶此說之不能相通者漢高祖爲亭長時送徒驪山中適多遁散  
謂衆曰公等皆去吾亦從此逝矣此以卑稱公也呂公欲以女妻  
高祖其媼曰公常欲奇此女與貴人是以夫稱公也鼂錯譏削六  
國錯父謂曰公爲政用事人口議多怨公此以子稱公也毛遂指  
其十九人曰公等碌碌陸賈謂其子曰無久溷公古樂府題有公  
無渡河非必皆三公然後稱公也若所云沙門稱公如深公遠公  
類者必以其名冠之是矣然公既定爲三公之稱公侯釋徒迴不

相○及○以○王○公○之○號○加○之○繙○素○之○列○豈○謂○得○其○例○乎○至○云○梁○陳○以○下○  
僧○乃○有○字○而○人○相○與○字○之○不○復○稱○公○則○杜○甫○之○稱○明○公○贊○公○又○何○  
以○說○耶○諸○如○此○類○難○以○悉○數○僕○嘗○薄○古○之○文○士○好○爲○攻○擊○者○多○矣○  
雖○孟○堅○蔚○宗○皆○所○不○免○若○歐○陽○之○與○子○固○論○氏○族○書○以○無○文○考○究○  
不○能○周○悉○爲○恨○而○晦○菴○之○與○象○山○東○萊○折○衷○理○學○往○反○至○以○十○數○  
此○皆○意○圖○相○盡○非○有○所○排○筭○也○知○足○下○不○以○爲○罪○

與林亭相攻擊可謂大敵矣而往輒糜碎斯稱神勇

○ 答毛馳黃書

歎定頓首頓首僕自遭亂飄泊廣陵南北舟車之會多所接遇得以周知四方之賢者聞西陵諸子有足下善爲詩古文辭式閭願見宜辱埽門竟以川途遼絕不得時時望見顏色城闕之嘆曷日無懷昨介夫至承足下書謬爲推譽及惠所著撰僕覽之穿綜百家仙漁六學駿駘乎古之作者矣僕何能復爲足下言昔歐陽公送徐無黨序云班固藝文志所載及唐四庫書目其存者百不一二悲其言之工而不得一傳後世無異飄風好鳥之過耳僕爲悚然自懼且年老矣又復善病不敢爲文亦不敢論文乃足下當今

作者而又虛懷若谷商于僕無所短長之人敢不書所見以暢足  
下之旨來書云理可明則文傳理事可述則文傳事文章之道盡  
于此矣然文傳理莫過于經升東嶽而知衆山之剋菴也浮滄海  
而知江河之瀦沱也陽明子曰聖人憂後世而述六經猶富貴者  
之父祖慮其產藏之積或至敗散而記籍其所有以遺之使子孫  
世守而受用焉故六經者吾心之記籍也將之覆軍者相繼天下  
不疑兵書之難行醫之毒人者相望天下不疑醫書之難用六經  
爲吾心記籍而綴詞之家反欲廢焉此陽明子所以傷也若文傳  
事莫迫于史昔者馬喜馳騁班尚裁制子長冒多憤激自爲文章

故馳騁而易工。孟堅一代史臣。故言必簡練。各有短長。未可優劣。  
晉宋齊梁靡不稱史矣。而有李延壽之六朝焉。唐宋遼金僻濫。  
不稱史矣。而有歐陽氏之五代焉。李唐之初也。歐宋之盛也。陳壽  
不學而能自成一家之言。然爲父貶孔明。沈約魏收之徒。多用私  
意爲抑揚。失是非。皆史家之弊也。昌黎之才。奚患不史。而順宗錄  
有取舍之譏。曹王碑多軋苗之訛。宗元以史筆推之至矣。而韓且  
勿任也。今人纔學制義。即便作史。無其才。無其位。無其心。則是非  
益淆亂。且孔子不敢自居史官之列。而歸其權于天子。況下此乎。  
卽以馬班論之。各自爲史。史百代而有餘。合而爲史。史一代之不



定則史非專不可也。馬氏不啻評遷也。世爲太史至遷始成而猶少孫補也。班氏不啻彪固也。半因太史矣。至固始成而猶大家續也。則史非久不可也。亦足以見文傳事之難矣。且非經自經史自史也。經不得史無以證其美刺。史不得經無以酌其輕重。老泉之說然矣。而未盡也。經可以爲史。史不可以爲經也。尚書史之善善者也。春秋史之惡惡者也。詩亡然後春秋作。詩非史乎。禮經紀一代制作而檀弓具史之至簡者。馬班非所望也。故春秋詩書以字爲褒貶者也。左傳檀弓以詞爲褒貶者也。司馬班氏以事爲褒貶者也。而要之以明道爲斷。夫六經明道之書也。道者所由適于事。

之○路○而○見○其○理○之○端○者○也○聖○人○之○道○如○坦○途○諸○子○之○道○如○斜○徑○坦○途○無○不○之○也○斜○徑○無○不○之○也○然○適○坦○途○者○樂○津○梁○適○斜○徑○者○苦○荆○棘○人○將○爲○其○樂○者○乎○人○將○爲○其○苦○者○乎○是○以○騏○驥○雖○良○不○遇○伯○樂○不○致○千○里○干○將○雖○利○非○有○人○力○不○能○自○斷○烏○號○之○弓○雖○良○不○得○排○樂○不○能○自○任○人○才○雖○高○不○務○學○經○以○求○道○烏○能○斷○古○人○之○是○非○以○文○章○垂○世○哉○僕○非○有○知○因○足○下○之○明○問○而○畧○言○如○此○而○足○下○固○無○俟○僕○之○言○也○所○遲○茲○蘇○書○不○盡○意○

首言不可廢經次言不可作史皆以救時人之弊末更推出道字以經爲宗正論皇皇壓倒一切

。與友論文書

頃辱足下書示僕以今之爲文者如漢淮南云。芻狗土龍之始成。文以青黃。習以綺繡。尸祝均祕。大夫端冕以迎送之。及其已成之後。則壤土剝草而已矣。始信文以氣爲主。古人豈欺我哉。嗚呼。子可謂知文者矣。然知其一。未知其二也。夫秦阿房之高且厩也。魯靈光之歸且煥也。臨春結綺之侈且麗也。楊子之亭。葛氏之廬。之幽且閔也。亦甚不同。乃其爲之也。楹檐懷杙。則無不同也。故耳曰。四肢皆具。始可以爲人。根莖枝葉皆備。始可以爲木也。然則辭固。此○意○補○有體而氣乃行于體之中者也。古人之爲是言也。有所兼而言之。

後人泥其言而不察亦已過矣故明徵定保如金如石謨訓之垂

○世有能業○指者亦○猶○耳○曰○手○足○各○曰○爲○用○若○心○以○若○之○則○百○餘

也正大煌煌如綵如綸詔誥之頒也簡質嚴厲觸目驚心箴銘之

從○今○矣

誠也羅列理亂確證古今陳事之忠也摻剔謬戾顯彰奸慝繩糾

之直也聲義致討墨墨梅梅軍旅之歌也揚德敷功明明弼弼廟

堂之頌也以至感懷而造端則畢然四望皇然遠慮之無窮也贈

答而抒思則融然怡懌鬱然纏綿之靡盡也慷慨而賦物則辰經

星緯嶽峙川流艦輶陵闕圍囿臺殿之必蔚瞻也游覽而遇意則

岳阜陂渚鱗植羽毛寒燠晦朔杳冥變恠之必流連也若夫張皇

撼動發必穿的則爲說士押闔之術擷葩舉英詞必銜巧則爲騷

人○文○士○之○習○。嘶○吻○棘○喉○。索○隱○窮○異○。則○爲○曲○士○支○離○之○說○。此○體○之○大○  
畧○也○。夫○劍○之○下○型○。未○能○斷○蔬○。及○加○之○砥○礪○。可○以○刺○犀○甲○。鏡○之○下○型○。  
不○能○見○日○影○。及○粉○以○元○錫○。摩○以○白○旃○。可○以○鑑○鬚○眉○。然○則○體○亦○爲○文○  
之○砥○錫○也○。夫○體○何○自○出○理○而○已○矣○。張○文○潛○曰○。理○勝○者○文○不○期○工○而○  
工○。理○愧○者○巧○爲○塗○澤○。而○隙○間○百○出○。此○猶○兩○人○持○牒○而○訟○。直○者○操○筆○  
不○待○累累○。讀○之○如○破○竹○。橫○斜○反○覆○。自○中○節○目○。曲○者○雖○使○假○詞○于○子○  
貢○。問○字○于○楊○雄○。其○何○益○之○有○。故○氣○之○充○充○于○立○體○。而○體○之○所○急○急○  
于○明○理○。仁○義○中○正○之○旨○。理○亂○得○失○之○林○。灼○然○見○其○本○末○。而○後○靜○虛○  
以○澄○之○精○明○。以○致○之○優○柔○。以○畜○之○廣○博○。以○貫○之○範○古○。以○宏○之○峻○潔○。

以行之宛轉以暢之有承蜩之專有貫虱之巧有解牛之神故天  
下見其言望而可畏究而不可測隱然長江大河一瀉千里而灩  
澦龍門時時激發奇壯曠然大行九坂造父飛轡越之而行空也  
而其大旨光明如陶冶耒耜不可一日而闕而黼黻丹青可以一  
望而曉豈非體具而氣足哉不然何以上古聖人有辭中古聖人  
又起而續之而後先連綴如出一人哉至于豐玉荒穀不能相兼  
春華秋實不能相擅杜預有武庫之名君子謂其錮疾韋昭窮周  
禮之義君子謂其疵曠房輝遠稱爲五經庫無益于時殷踐猷號  
爲五總龜無補于世是固其得于天者各有長而資于人者必不

足也拜手裁答足下試寓目焉其以予言爲然否

孟子云夫志氣之帥也氣體之充也體不具而專言氣則橫鯨  
別驅不中繩墨者多矣文于氣字前補出辭固有體一層最有  
見地而體又必本于理則集義持志並在其中與孟子之言若  
合符節矣先生如此論文能于韓昌黎諸書外另樹一幟

榕卮序

人之才傑者能傳其身止耳孰能傳人傳人止耳孰能傳地傳地止耳孰能傳草木至于傳草木而其人詩人文人也抑非第詩人文人也元亮先生寄予榕卮近什余讀之異焉先生著書等身不汲汲自爲壽惟收拾網羅其鄉先達暨四方天枉舊交之遺文殺青恐後日傳萬紙是非所謂傳人乎先生所至所居不期崇飾而獨千古賢名蹟湮滅是懼樵川詩話有樓翼然遂堪千載是非所謂傳地乎乃今而榕卮其集也三復其詩凌陶轢鮑高深要眇恍然如坐千畝之蔭而積翠橫流酒波微灩則草木亦傳矣操是以



往樓桑不得以魁奇爭廟柏不得以高古爭大樹不得以雄杰爭  
子荆之松彭澤之柳和靖之梅不得以小有致爭必也求其配其  
召伯之棠乎詩人所謂勿剪勿拜者也然召伯不以能詩聞而先  
生之名章迴句使此樹被其光華則草木之遇先生視古猶幸而  
余獨竊有慕者先生來書云頗與酒人遊故謂之榕卮酒人爲誰  
使余得廁其間則余亦傳哉

意蘊深波瀾闊風神足詞氣古小小狡獪自具大文

朱甯文刊上草序

朱子甯文刻邗上草成問敘於王子王子曰夫作詩者必知其地之山川人物與世代盛衰之故其性情乃可得而言也廣陵爲古重鎮南北戰爭往往於此一禍于吳淝再禍于魏太武孫儒之徒弔古者豈獨一鮑參軍哉夫以廣陵重鎮處四戰之地畧稽往代以富強甲天下者有唐三百年耳青巾以後屠殺更慘不忍道而從來歌詠之士過其地者僅傷心于南部烟花以寄大業之一慨何歟嗚呼吾于盛衰之際竊有感也魏文當全盛之日以傾國之兵向廣陵而不能一窺江左宋之衰也韓蘄王以一軍振江上逮

○南○渡○四○鎮○子○能○與○敵○而○中○間○部○亦○徒○與○湯○城○俱○碎○也○意○餘○言○外○

○此○蓋○有○悲○于○福○王○

○故○以○傲○侮○心○于○南○都○州○花○者○爲○後○之○言○性○情○死○然○句○下○者○未○能○  
國○亡○矣○而○李○丞○相○猶○能○以○一○郡○綴○敵○人○之○師○使○二○王○得○建○國○于○海○  
隅○由○今○思○之○廣○陵○之○所○關○于○東○南○者○豈○其○微○哉○朱○子○客○此○其○間○山○  
川○人○物○與○世○代○盛○衰○之○故○應○有○獨○觀○其○深○者○吾○未○知○朱○子○何○如○也○  
讀○其○詩○質○而○靚○婉○而○多○風○居○然○得○性○情○之○正○焉○夫○朱○子○方○年○少○何○  
以○遽○能○若○是○蓋○有○其○本○矣○其○師○姜○真○源○先○生○挾○綿○世○之○畧○朱○子○朝○  
夕○講○究○必○有○洞○然○于○古○今○之○際○者○况○臨○安○宋○之○舊○都○山○川○之○所○磅○  
礪○人○物○之○所○結○聚○數○倍○廣○陵○朱○子○歸○而○過○故○鄉○窮○其○性○情○之○所○至○  
而○益○老○其○才○所○得○當○不○止○此○噫○江○山○流○覽○之○際○蓋○可○忽○乎○哉○

○○○宋遺民廣錄序

李小有氏廣遺民錄成、南州王猷定讀而嘆曰、悲哉吾友之志也。  
古帝王相傳之天下、至宋而亡、存宋者遺民也。知宋之所以存、則  
當知宋之所以亡。知遺民之所以存、則當知宋之所以存。遺民  
者安在也。嗚呼、難言哉。夫一代創業之君、其得天下、與夫享國之  
久長、非徒恃其威力、其深仁厚澤、有以收忠臣義士之報、一再傳  
而英武之君、殘忍寡恩、以篡奪之、故推刃懿親、屠毒忠良、使國家  
之元氣中更摧折、雖其子孫培養綿延數百年、而怨毒之氣終乘  
時而發、至于廟社坵墟、本支凋落、然節義之在天壤、不獨殺戮之

所不能禁而璽書徵辟或至再三不能回入山蹈海之心則開國  
之德澤入于人心者深也當藝祖之得天下也人無兵革之患其  
誓碑不殺柴氏子孫而全李煜之門諸降王來朝者歸之韓通拒  
命罪殺之者而贈通以官仁厚爲已至矣太宗則不然德昭之自  
殺德芳廷美之幽死視李唐喋血禁門何異焉至青城之禍篡奪  
之報見矣公卿士大夫爭以媚敵爲得計而都人萬億然頂鍊臂  
號哭踞泥淖間以冀二帝之還僵死枕藉于道嗚呼豈非藝祖德  
澤之所畱也歟南渡而後棄中原于敵國其間遺民旣不爲薛方  
之委蛇復不同翟義之輕試堅忍幽巖竄身于盲風怪雨之中甚

則癩憂抑鬱以至于死欲考其行事而不可得及孟珙破蔡滅金  
稍據遺民之氣未幾崖山一潰遂使古帝王之天下忽然淪喪豈  
不痛哉嗚呼宋之所以存與其所以亡者亦可知矣且天之生此  
遺民也殺戮之所不能及幽書微辟之所不能移何爲也哉冲主  
既沈孤忠盡隕仰觀天意俯察人情天下事其無可望也明矣而  
遺民獨甘老死于飢寒流離惸獨無告之地則天能亡宋于瀾海  
之君相而不能亡宋于天下之人心蓋至終元之世高隱不仕之  
風未嘗少絕則是古帝王相傳至宋之天下迨元末未嘗亡也矧  
羣雄割據小明王之號猶稱宋焉卽謂遺民之存宋以傳于昭代

也○不○亦○宜○乎○嚮○使○以○太○宗○之○殘○忍○則○統○緒○三○百○二○十○年○與○夫○忠○烈○  
殉○國○之○報○皆○非○其○所○宜○有○也○而○况○于○遺○民○乎○然○後○知○藝○祖○之○仁○厚○  
有○以○豫○培○于○三○百○年○之○先○而○始○食○報○于○三○百○年○之○後○如○此○也○此○謂○  
宋○之○所○以○存○遺○民○者○也○我○故○曰○悲○哉○吾○友○之○志○也○

明之亡也遺民遍天下以成祖之屠戮忠良似不宜有而卒有  
者則高皇帝開國之初所以養之者厚也此文借酒杯澆塊壘  
慷慨激昂足以維持天地

○贈鶴林梁公序

余友上谷鶴林梁公。隱于寶應之兔避村。學道既十年。丁酉夏來  
廣陵。約余遊攝山。六月癸未。爲公五十生辰。先一日。齋戒嚴潔。昧  
爽肅衣冠。陟中峯之巔。望拜孝陵。拜且哭。余亦哭。拜畢。風大作。泉  
灑灑若悲鳴。公旁皇遶山行。已出其中原。遺紀及獄中。上先皇帝  
書。其經理山東河北中原諸紀。則甲申三月十九日後。公從賊中。  
結義士以圖恢復。所上閣部史公而不見用之書也。余撫卷太息。  
者久之。流涕言曰。嗟乎。士君子不幸而躬丁末造家國之際。可勝  
歎哉。崇禎之季。寇禍莫慘于中州。當是時。總督畏賊不敢擊。借招



撫以欺朝廷。大將領禁兵。歲糜餉數十萬。中原千里無敢一當賊鋒。守令則或降或竄。以致膠庠胥隸皆賊爪牙。公以三日縣令。介馬行古戰場。部署勦撫練土兵。伺賊所出入。設伏掩襲。大小百十餘戰。境以內賊凡三十六窟。不半載而殲除殆盡。督撫上之天子。調商邱未幾。闖賊壓境。孤城血戰。援絕。妻孥數十口自焚。公嬰賊刃。仆亂屍中。商民救之。三日乃甦。嗟呼。豈非天哉。甲申春。賊蹂躪秦晉。京師之危岌岌矣。上繫天下郡縣官。以失城抵罪。公方歸命。司敗瀝血請太子撫軍南畿。繫屬天下人心。擇宗室賢才。分建要地。而招徠山東河北河南諸處保砦自固之兵。重督撫之權。徵万

○此○讀○與○李○忠○肅○公○同○台○

鎮遺意執政尼不行逮神京淪陷南都諸臣棄中原于草莽公問

行出都召義旅倡中興議以山東河北為江南藩蔽其言曰若無

○此語○不○定○非○史○關○部○所○知

河北山東是無中原江北區區江南豈足自保今當于山東設一

大鎮經理山東及北直之河間天津等于河南設一大鎮經理河

南倣唐節度使宋經制招討使之制以大臣文武兼材者為之而

武臣為總鎮一切便宜行事于江南漕糧中為各鎮厚集兵餉以

蘇息北方殘黎于濟寧歸德為行在以備巡幸示天下一刻不忘

中原之意議上閣部不報又言曰四鎮宜使之分不宜使之合宜

別而異之不宜比而同之務別其忠順強梗之情而閣部大治兵

以自強。嗚呼。此霸王之畧也。使當時用公之策。蚤夜以圖。何遽至有今日哉。余以是惜公遭時之不幸也。宋靖康之際。李伯紀抗大敵。以固京城。其後力贊高宗。計圖興復。宗忠簡固守中原。屢請巡幸。憂勤盡瘁。終于過河之三呼。故宋之終于南服。天也。今日之事。何以異此。公少負王佐才。余知公二十年。丁亥始訂交。涇上每酒酣。談往事。輒慷慨悲歌。累日不休。不意公忽忽遂五十。而余衰可知已。雖然。公學道者也。古人進退屈伸之際。一因乎時。時既去而留之。與未至而逆之。其心適足以自累。苟視一切勲名。皆古今尋常之事。卽時至事起。出而應之。功成身退而已。不與今吾與公。

此山登降循覽京口鵲河以達石頭龍關諸勝思古帝王戰爭之地攷其故壘杳不可得有足悲者况當太祖功業之所在開平中山遺烈迄于今不衰而頽仰江山盛衰之故亦可知矣公曰旨哉子之言深于天也相與各賦詩飲酒旬日溯溯而歸

中敘梁公所建白皆當時大計而閣部竟不能用宜其言之有餘悲也結處收到遊攝山上去亦有遠神

○贈喬簡襄歸晉序

簡襄晉人也。居于淮。淮古楚地。余客淮者三月。簡襄輒從。將歸與之別。簡襄曰。先生去。吾亦歸平陽之坂矣。余曰。子胡爲者。簡襄曰。吾縱目江海之上。慘阻而不獲吾志。平陽之坂。昔之同心在焉。夙夜以思。安能鬱鬱久居此也。余曰。若然。子殆有見于天下之故之微者矣。夫夫差侈則伍。刷寄知伯貪則輔。果行韋。鬲鬻江東之宅。馬援棄大水而歸洛陽。古之人何爲是汲汲者哉。外度諸勢。內斷諸心。夫固素目前之安。而圖將來于無窮也。今子晉人也。而居于楚楚之城郭。人民非其舊矣。以子之晉。阻四郡十一州之間。斬龍

門大陸而東西封之。首揖秦隴。肘壓燕薊。倚蜚狐而窺滎陽。成皋之險。鹽池之利。桑麻之饒。旃裘羊馬之富。甲于天下。古帝王嘗用以安內攘外。所以總職貢。張撻伐于邊陲者。皆有其故。當周之衰。蠻夷之毒。方熿也。重耳一亡公子。崛起太原。仗欒狐原。趙之力。遂能西抑強秦。東招齊魯。南服荆楚。豈非得山川之勢。士馬車甲之雄。易立強于中原也哉。吾讀詩至蟋蟀之章。知其憂深思遠。可與圖治也。讀椒聊之章。嘆其有剛果之氣。而待人之作之也。讀揚之水之三章。曰素衣朱襮。從子于沃。知其可親上而從長。曰我聞有命。不敢以告人。知其可與安患樂。難且可與微言。百世而下。猶可

取而用之也。今子輕去其鄉而來于楚。揚越之間。下土鬱蒸。其民  
慕雜。昔人之所哀也。魯頌曰。蠢爾蠻荆。夫楚起荆山。薦及吳越。徐  
僮之南。遂皆爲楚蠻夷。君豈其類也哉。又曰。荆舒是懲。當春秋之  
世。而能懲楚者。惟晉耳。悼公三駕而臨鄭之東門。虎牢之南。楚軍  
歸跡。而不敢問也。故析公雍子蒍賁。皆楚產也。而猶北托于晉。  
彼誠熟覩夫當日之勢。而又察盛衰順逆之端。故斷然去之。而不  
疑。子從此北渡黃河。過大梁之墟。入壺關之口。踰羊腸。絕井陘。最  
屬而登太行之巔。遠瞻江淮。近顧景霍。追霸王之雄圖。悼生民之  
之多難。其有慨然思起。荀彘趙武諸公。而從遊者乎。予老矣。雖不

獲從三晉豪傑飲酒上汾陽之橋說劍入榆次之市然而于子之  
歸北望河山心焉往矣子其勉之

雄深雅健司馬子長之文其興寄無端之故尤難遽索解人



昌谷集註序

嘗讀韓愈三上宰相書爲之感憤流連。士何不幸而生元和之時哉。李賀阨于讒。不得舉進士。愈作諱辨。可謂愛賀矣。然讒者百愛者一。是愛不勝讒也。古今仇才者。自上宮子蘭而成。屈子以千古未有之離騷。則愛者且千萬人。讒何傷賀才學騷者也。而處時不同。德宗猜忌。用人不信宰相。憲宗英主也。裴度爲相。當賀七歲。愈與皇甫湜深器之。及愈爲御史。在貞元十九年。而賀年二十有三矣。數上封事。何難一薦之。度而攷之。史卒無聞焉。何歟。或曰。中原時。當用兵。無事儒生。而叔文之黨。方錮天下賢士大夫。不使登進。

卽愈一身一貶山陽再貶潮州躬之不恤何暇爲賀逮後爲彰義  
行軍司馬用其文而已而賀適以是年死豈不悲哉或曰賀之阨  
于讒宜也屈子悼宗國之亡其憂大故其辭蹙賀當平世何至哀  
憤楚激嘔心作詭譎之辭以致忌者投詩溷廁斯已過矣曰非也  
○獨○得○之○解○如○曰○嘔○心○者○更○公○則○平○列○傳○  
賀王孫也所憂宗國也和親之非也求仙之妄也藩鎮之專權也  
閭閻之典兵也朋黨之釁成而戎寇之禍結也以區區隴西奉禮  
之孤忠上不能達之天子下不能告之羣臣惟崎嶇驢背託諸幽  
荒險澀諸詠庶幾後之知我者而世不察以爲神鬼悠謬不可知  
○然○獨○獨○到○註○  
其言旣無人爲之深繹而其心益無以自明不亦重可悲乎故余

以爲屈子之讒在一時而賀之讒在終古何者世不盡愛賀也卽有能傳其詩如杜牧者可謂愛賀矣然猶以爲理所未及雖愛亦讒也賀死無註賀詩者元李孝光張昱輩迄明初李長史競工其體而不明其心山陰徐渭曾益雖註多所未備龍眠姚文燮曰世多以詩註詩而不知本于騷又以騷註詩而不知本于史斯註傳可以教天下之言詩者矣豈獨有功于賀也哉蓋姚子爲穿札古今之學攷證務求精覈不爲影響鑿空之論故賀詩雖最密如參元璩植應有莫知其解者而姚子一一傳之如燈取影不失累黍焉呼是真能愛賀者今而後賀其免于讒乎卽以之繼愈辨可也

妙論長吉得此爲不死矣。只愛譏二字顛倒通篇每拈一  
轉一境皆爲尋常履齒之所不到

李母王太夫人八十壽序

誥封李母王太夫人於戊戌九月十六日爲八十設帨之辰太夫人方伯見衡公之子婦大中丞順衡公之夫人而文學天行君之母文學浩源君之王母農部書雲公之曾王母太學書公之高王母書公之子之太高王母也太夫人躬膺錫命歷春秋八十俯視子若孫凡六世天祚明德備受多福近代以來未嘗有也其子婿王奉常螺山倪邑令紫芝孫婿王孝廉起聖暨子若孫稽首再拜謀某一言以介觴予先君與中丞公弟侍御明衡公同年友也太夫人之相中丞公者予耳耳熟焉其相德淵懿爲子婦以孝爲婦

爲母以順以慈。不具論。則專陳其大者可乎。予觀自古人臣事關  
君父。初未嘗不慷慨激烈。鼎鑊可甘。及謀之妻子。遂怵于小利小  
害。始終判若千里。以致身名兩敗。爲天下後世笑。曾鞏之言曰。王  
政必自內始。今之士大夫。苟于自恕。顧利冒恥。而不知反己者。往  
往以家自累也。豈不信哉。公初爲御史。時當神宗初年。江陵罷政。  
大璫竊國政。擅弄威福。是時主少國危。在廷諸臣。鈐口莫敢問。疏  
劾當誅十二罪。家人皇懼。慮不測。太夫人趣公奏。無毫髮齟齬。迫  
璫燄甫熄。公遷問卿而壽宮之議起。執政媚公。太夫人力勸公歸。  
方公之疏劾璫罪也。太夫人贊成之。而見機明決。又如此。尋起光

祿而封倭之議起。公劾首輔樞臣不修戰守而許封貢。罪在辱國。時論方以挑邊釁。凌折剛正。人人危公。公目太夫人無憂色。旣而公巡撫遼東。每上封事。可否輒問之太夫人。關白後。倭棄釜山遁。公請留東征之師。復古遼陽。力爭馬市。木市之議。朝臣益忌公。公蓋岌岌矣。初。大帥有寵子孫。僮僕持斧鉞。領方鎮。備宿衛者十輩。公劾帥部曲侵牟軍實。又糾璫權。遼稅殘暴狀。帥與璫台而嗾公。太夫人勉公曰。時事方危。公毋以家爲念也。當是時。公以一身處邊廷。內外交讒之際。使太夫人稍計禍福。憂形顏色。公雖毅然大丈夫。能無以內顧累其心哉。今國史所載。父老所傳。第稱公慷慨。

多大節耳。孰知太夫人之剛勁不同。無一言撓公。甯惟無一言撓公。且從中羽翼也。今中丞公下世。若而年。天地易位。陵谷貿遷。其間君相之所更者。凡幾朝。大璫大帥之貽禍廟社者。幾何人。縉紳之故家大族。竄處于窮荒僻壤者。幾何家。大夫人白髮皤然。撫六世子若孫。錦衣翟珈登堂而話當年。其可羨也。夫其可感也。夫古今稱備福者。推唐荏太夫人。然世際雍熙。無憂危艱大之任。其父子夫婿皆位躋太師。而所以佐忠者。無聞焉。以視太夫人何如也。今言中丞公之忠者。則必舉忠臣之夫人。言方伯公世篤忠貞之臣者。則必舉世篤忠貞之臣之子婦。至于文學諸君之才。能世其



家學農部公之廉能有聲。太學父子之徇齊克濟其美。風聲所播。莫不歸之太夫人。則太夫人之藉藉人口者。傳之百世。豈有艾與。故予之觴太夫人。必本其大者。且以風示天下。亦太夫人之志也。此真備福而文更從其大處書之。慷慨低徊聲滿天地。昔王章之妻牛衣涕泣。漢史以爲美談。而矜言節義者。輒譏之。若王太夫人。其可免于議矣。

四照堂文錄卷二

南昌王猷定于一著

後學上高李祖陶欽之評點

高安單鳴球慎齋校刊

○梁烈婦傳

烈婦張氏清苑梁公以樟妻也。父爲四川布政國銳。母李氏烈婦。生有至性。識大義。庚辰公以進士授太康令。明年調商邱。時賊犯開封。所過糜爛。商邱聞賊逼境。咸皇懼。公按行城堡。修守禦。拓戍邏。凡渠答蘭石炮。修之屬無不具。數單騎走風雪中。拊循士卒。烈婦窺公憊。輒廢食泣下。慰勞兼至。當是時。朝廷屢詔督撫殺賊而

○明○宋○情○事○確○是○如○此○不○

督撫及諸將畏賊不敢戰。倡議招撫。廷臣又各持門戶。封疆益壞。郡縣守令多儒生。不習軍事。聞風則棄城逃匿。甚則奉印綬以降。公憤甚。語烈婦曰。吾爲天子命吏。誓必滅賊。與賊存亡。烈婦曰。諾。第目公佩刀各奮衣而起。壬午春三月。闖賊李自成合袁賊羅賊衆數十萬攻商邱。公乘城距守。旣夕。甯而進。拜辭其父中議公主。與烈婦訣曰。城且陷。儻陷。我必死。知汝亦必死。左右皆掩面泣。烈婦亦泣。指所居樓示公曰。我于是命。老僕楊材積薪環其樓。且告曰。若城朝以陷。則火朝以舉。夕以陷。則夕以舉。毋遲我死。公甯而出。呼守陴者發砲石。頗擊傷城外賊。賊稍卻。烈婦傾橐裝市牛。

酒以資軍賞。垂五日。賊攻益急。仰射中人。中人頗死。鼓音四面。不止。相驚以賊至。人馬蹀蹀。連城走。夜過半。一城傳呼曰。賊入。公嬰城以戰。賊刃公仆地。烈婦聞之。驅婢媵登樓。曰。吾夫死矣。若等從我死。無苟活。遂衣平時白衣。繫纒於梁。將自縊。呼楊材舉火。材哭不忍發。烈婦厲聲叱曰。汝忘爾主訣別時而背之耶。賊至。等死。少延。使我不速死。汝罪莫贖矣。材伏哭。叩頭舉火。烈婦死三十餘人。從死其慷慨赴義如此。一子慶方九歲。隨烈婦登樓。火熾。哀號。啖中老嫗急旋之。曰。主人唯此。耶。幸得脫。歸以後。梁氏從樓上推墮兒。僕王政負兒逃。是夕。邑民求公亂屍中。救之。越八日。甦而烈婦

則死矣。商邱人相與感歎。立烈婦祠。春秋祀之。至今不絕也。

論曰。商邱古睢陽地。今人過雙廟。每歎歎留連不忍去。以爲張許猶生。云越千年而烈婦出。與之比烈異哉。其邑人言。昏夜嘗見白衣人。臨樓址間。則烈婦固不死也。予與梁公善。恒述烈婦生平。孝敬勤儉。輒嗚咽。茲不具論。論其大者。

當是時一段綜核時事。史筆森嚴。餘亦寫得曲盡無一長語。

。兵科給事中張公傳

張公名德、字仲敬、丹徒人、父善甫、以詩名、元季家雄于資、當勝國、初定江南、仇家訟其僭侈、幾坐大辟、已減死、論永成、公少負忠義、建文元年、大臣薦公才、詔試禮部、授右軍都督府斷事、公上治安五策、曰、守祖訓、謹用舍、安宗藩、興教化、詰戎兵、冬使寧夏、歸獻三邊地圖、是時諸王盛強、朝廷以爲憂、大臣建削弱之義、公抗疏言、古者封建、所以藩王室也、卽地踰古制、宜裁之以體、此言得大體不可以細人告變、輒動搖宗室、人人自危、非社稷之福、疏入、不報、公見兵部尚書齊公泰、曰、公以諸藩爲憂、非爲各府護衛軍乎、今遼寧、燕谷、疆

而近邊莫若用踐更法取精銳以備邊其在中國者都司得掌尺  
籍伍符如有不軌以法繩之此不戰而解兵之道也齊公曰事急  
奈何公曰燕王雄畧頗類太祖其地遼金元常用之今以一軍屯  
永平一軍屯保定徵燕之護衛戍守遼陽順命則已不則移師蹙  
之一北平焉能抗天下若待其先發河北震動諸蕃應之南北自  
此裂矣齊公深然之亡何燕師起公復上書言漢吳王濞之禍成  
于糧錯後用三十六將軍竭天下之力以爭之七國雖平漢益重  
困唐昭宗詔誅李茂貞杜讓能以天子近臣仇人剗刃而莫禁今  
治兵無糧錯之才料事無讓能之智徒使國家踵漢唐之禍而諸

侯有吳岐之謀。此微臣日夜痛心而泣血也。又遺方公孝孺書曰。燕師已迫。公宜練兵以衛京師。周公誅管蔡。未聞用周官周禮。以成破斧之功。不聽。及盛庸師出。改公戶科。使犒師。公至東昌。勉將士以忠義。士皆感泣效死。居數日。與北兵遇。奮勇擊殺將數十人。會大風沙礫揚起。日中清光如翳。師亂。北兵乘之。公馬蹶被執。有識之者曰。此張斷事也。見王。王曰。是言尊祖訓。安宗藩者乎。趣釋之。公頓首攘臂言曰。殿下以諸侯王稱兵犯闕。爲遵祖訓乎。天子應安宗藩。宗藩反欲危天子。縱令事成。異日何以見高皇帝于宗廟。王怒。劍斷其臂。左右刃交下。公至死不仆。軍中咸異之。爲排牆。



覆其尸而去。公時年四十一，無子姪。孟岳具衣冠葬之。建文時，詔議贈諡，未行。嘗永樂元年，榜齊黃方練等宗族朝堂，名逆黨次第行誅。公以陣死，不入逆籍，族得全。家人避禍，隱其事，不傳。越二七十年，公族孫九徵悉公死事狀，俾余敘次之。如此論曰：帝王之興自周秦漢唐宋以來，皆不越再世內讟。作古今之變，其可知矣。公當靖難時，徵引七國，洞如觀火。當時惜不用，及盡節行間，以未籍逆黨宗族，諱其事故。公一時議論及殉難慷慨，史不及詳。夫文皇、太祖之子，雖非繼世，然族類固非他也。而死節之盛，亘古莫及焉。豈非開國者之所培養也歟。

先事之策可以曲全臨事之書至爲透痛至慷慨一死則當時能之者尚有其人然竟不與逆黨之禍亦云幸矣

孝廉張公傳

余束髮爲制舉藝。卽知海鹽有張孝廉者。讀其文。在馮具區黃寓。庸兩先生伯仲之間。崇禎季寇亂。余棄諸生制義。盡焚去。今衰老。自放空門。然結習未嘗忘也。春至杭州。訪所爲張孝廉者。不得。遇其子給諫公惟赤。乃知孝廉死二十三年矣。黃門爲其父謀。所以不朽者。屬余爲之傳。余慨然曰。嗚呼。國家設制科三百年。當社稷邱墟。諸臣割挈馬兔而走。豈可謂有人哉。夫祖宗取士。何典舉淫浮之蠹。而加諸高才學古者之上。一旦有急。雖欲不以君父予敵。勢將安能以孝廉之文。而不得一第以死。可嘆也。孝廉當萬曆時。

士相習爲帖括。至腐敗不可讀。孝廉力詆而救之。自太。白。居。選。藝。出。而。天。下。之。文。始。趨。于。潔。故。制。義。之。有。選。自。孝。廉。始。也。時。浙。人。吳。伯。霖。陶。君。爽。沈。無。回。胡。休。仲。最。知。名。推。服。孝。廉。出。其。下。吳。門。士。大。夫。爭。延。至。其。家。率。子。弟。往。學。焉。孝。廉。負。高。志。恥。事。于。謁。巡。撫。劉。公。石。閭。建。虎。林。書。院。徵。孝。廉。主。之。不。干。以。私。與。林。公。愼。日。交。最。篤。及。林。公。巡。按。浙。江。未。嘗。往。見。自。以。困。頓。公。車。不。得。志。乃。撫。拾。本。朝。大。事。記。之。曰。識。大。編。爲。書。六。十。卷。其。不。得。見。用。于。世。君。子。惜。之。孝。廉。事。親。孝。交。友。不。苟。然。諾。嘗。往。來。茗。雪。角。里。諸。士。雲。集。弟。子。貧。者。不。計。束。脯。其。高。致。如。此。娶。顧。夫。人。佐。以。節。儉。生。二。子。孝。廉。旣。棄。世。夫。

人嘗垂涕教兒。有歐陽鄭夫人之風。故二子卒得孝廉之學。及給諫起家進士。爲天下直臣。母夫人之教居多。嗚呼。是可傳也已。孝廉名奇齡。字子延。世居海鹽之聞琴里。

王猷定曰。余聞孝廉祖海泉公。有才識。神廟時。海溢。建議活鹽人數十萬里。人稱之。至今孝廉生。其祖父先一夕。同夢曲江張丞相。至以爲貴。極人臣。乃竟困厄。不得一抒所學。豈鬼神之說。亦有時而不驗耶。今給諫簪筆持橐。克振其家聲。天道無親。嘗與善人。其在是歟。

簡潔而有風神。慨然一嘆。直逼史遷。

。許氏七義烈傳

按察許公內鄉人也。有弟曰宣。曰案曰官。崇禎壬午。流賊陷南陽。許氏居山寨固守。先是河南諸府縣既陷。賊輒置官吏。許氏先人協守孤城。不下者十餘年。既歲饑。無儲。城乃陷。置吏。時勅命會勦。詔諸路山寨起兵。恢復城池。按察公聞命。乃圖會勦。知鄉寨不可守。欲挈家東下。謀聚眾再舉。宣曰。寇敢據城邑。以境無聲援。易以虛聲。恫喝耳。歲無常。歉。吾率丁壯且畊且守。與村社相聯。爲犄角。乘時觀變。可也。奈何棄墳墓去。將安之。公曰。時勢至此。恐未可卒圖也。趣諸弟盡室行。不可。公復誓以覆宗。宣欲行。案不可。公不得。

已乃行已而族人承業倡義入邳州執僞官戮之事聞烈皇手敕

授都司爲諸道勸宣等率義勇夜襲內鄉擒僞知縣主簿以露布

作有應于空處發疑此段尤入骨簡

送之上功督府道逸去是時朝廷日嚴旨督大臣勦賊顧總督多

畏縮不敢擊朝議往往以朋黨私隙謀報復陽爲推轂實借寇兵

報仇督撫一命如驅羊蹴虎其則偕招撫與賊通而諸將益驕蹇

不用命以故賊益張至以亡國使盡如宣等天下事不尙可爲哉

按上段

僞官旣逸賊帥怒驅眾力攻許氏寨他寨無敢援寨遂破且破案

生母常氏先墜井死案繞井悲號隨入井宣妻鍾氏案妻陳氏自

縊妹許氏嫁布政李公子占鰲寡居從母兄亦自縊賊斷繩墜將

賊○謂○許○氏○曰○我○孝○廉○也○汝○好○順○我○我○不○殺○汝○兄○弟○  
為○婦○姐○許○氏○大○罵○曰○汝○既○為○孝○廉○負○義○辱○身○甘○從○賊○又○欲○犯○吾○名○  
門○婦○耶○時○賊○方○肆○焚○火○烈○甚○欲○奮○身○入○火○賊○刃○交○下○析○骸○死○宜○官○  
妻○鍾○氏○陳○氏○皆○死○既○兵○科○給○事○李○公○孝○源○上○其○事○宏○光○時○部○議○贈○  
宣○家○官○知○縣○後○巡○按○李○公○若○琛○以○許○氏○死○節○聞○特○旌○焉○按○察○公○名○  
宸○號○菊○溪○歷○官○按○察○司○

王○猷○定○曰○余○與○菊○溪○先○生○有○世○好○自○尊○府○君○與○先○太○僕○始○先○生○官○  
金○陵○余○獲○從○遊○因○念○昔○從○先○人○遊○宦○道○大○梁○時○方○幼○能○問○昔○有○宋○  
官○闕○陵○寢○賢○士○大○夫○所○聚○及○李○伯○紀○种○師○道○用○兵○之○所○而○獨○未○至○



南陽今乃于先生問之夫自周公相宅澗瀍遷鼎洛邑後遂爲東周而東漢亦爲都邑不知馬鄧耿賈諸人之遺跡猶有存焉否耶先生仁明善吏治工詩蓋自尊祖尊君詩書禮儀之傳至今不衰一門男婦皆能赴義甘死如飴有以也夫

中間一段言之有餘憤矣而筆筆緊嚴不以馳騁妨其格調故佳贊語閒雅雍容尤爲神妙

○ 樗叟傳

叟姓袁名芳、長洲人、善醫。所至活多人。間爲畫。皆不欲有名。自號樗叟。云王猷定曰：叟蓋有道者也。萬曆季、總理內官監李道、擢湖口稅。叟父故與李交。因從父之。湖口其地當上流之衝。山勢險阻。江楚閩粵川蜀滇黔之人。操百貨而來者。風檣多不利。其游倖四望。一舟至。則先扼之。巨浪中掠其貨。以漏稅報關。商賈吞聲不敢辯。叟一一白其冤。左右咋舌。闔爲感激。下令捕諸害商者。坐以法。連疏乞休。叟別壽以千金。頃之。遇盜馬當山。攫金將加刃。岸土忽崩。十里許。水湧數丈。舟覆。羣盜駭散。叟從波間躍出。得不死。水平。

舟復全人咸詎神助云天啓六年魏忠賢亂政御史王心一糾客氏及忠賢罷斥錦衣指揮田爾耕受閹意旨殺天下賢士大夫使其客元蔭私賂叟陽與元蔭交而陰趣御史歸里夜乘一驢送之崇文門外平時賓客無一人至者御史謝曰若歸無累若叟策驢行且憤曰嗟乎袁山人一頭何惜不爲御史殉耶抵張秋風雨中痛飲泣下別去崇禎十二年來豫章余見之東湖貌壯氣溫和中粥粥若無能者淮南李盤曰此叟外和中而中嚴越二年李盤爲懷集知縣叟往粵復遇盜潯陽江口傷刃墮水水亦有物蠕動若敗絮驚視腹穿出腸矣恍惚一人掖之得故舟自納腸于腹緝桑皮

級之而裏帛焉不死。國變後。癸巳。滅江。訪予揚州。鬚髮盡白。已亥。復來。聞李盤死。往高郵哭之。六月。江上兵動。余偕奔湖中。而叟七十矣。十月。叟歸。執手言曰。老人去不復出矣。與子交將三十年。能無一言。余唯唯。跡叟生平。孝友端慤。好義。屢有以貨色動之者。必正色拒之。事不具載。第傳其周人禍患。不避權勢者如此。其兩罹大難不死有以也。一子名鶴。業醫。有父風。

起處先橫下一語作贊次乃歷次其事狀歷落生動殆不減太史公

○○湯琵琶傳

湯應曾，邳州人，善彈琵琶。故人呼爲湯琵琶。云：貧，無妻，事母甚孝。居有石楠樹，構茅屋奉母朝夕。幼好音律，聞歌聲輒哭。已學歌，歌罷又哭。其母問曰：兒何悲？應曾曰：兒無所悲也。心自悽動耳。世廟間，李東垣善琵琶，江對峯傳之名播京師。江死，陳州蔣山人獨傳其妙。時周藩有女樂數十部，咸習其技。罔有善者，王以爲恨。應曾往學之，不期年而成。聞于王，王召見，賜以碧鏤牙篴琵琶，令着宮錦衣，殿上彈，胡笳十八拍，哀楚動人。王深賞，歲給米百斛以養其母。應曾繇是著名大梁間。所至狹邪爭慕其聲，咸狎暱之。然頗自

矜重不妄爲人奏。後征西王將軍招之幕中。隨應嘉峪。張掖。酒泉。諸地。每獵及閱士。令彈塞上之曲。曲下。顏骨打者。善戰陣。其臨敵。令爲壯士聲。乃上馬殺賊。一日至榆關大雪。馬上聞簫策。忽思母。痛哭。遂別將軍去。夜宿酒樓。不寐。彈琵琶作簫策聲。聞者莫不隕涕。及旦。一隣婦詣樓上。曰。君豈有所感乎。何聲之悲也。妾婦居十載。依于母。母亡。欲委身無可適者。願執箕帚爲君婦。應曾曰。若能爲我事母乎。婦許諾。遂載之歸。襄王聞其名。使人聘之。居楚者三年。偶汎洞庭。風濤大作。舟人惶擾失措。曾匡坐彈洞庭秋思。稍定。再泊岸。見一老猿。鬚眉甚古。自叢箐中跳入篷牕。哀號中夜。天明。

忽抱琵琶躍水中。不知所在自失故物。輒惆悵不復彈。已歸省母。母尚健而婦已亡。惟居旁坯土在焉。母告以婦亡之夕。有猿啼戶外。啟戶不見。婦謂我曰。吾遲郎不至。聞猿啼何也。吾殆死。惟久不聞郎琵琶聲。倘歸爲我一奏于石榴之下。應曾聞母言。掩抑哀痛。不自勝。乃取它琵琶。夕陳酒漿。彈于其墓而祭之。自是猖狂自放。日荒酒色。值寇亂。負母鬻食兵間。耳目聾瞽。鼻漏人不可邇。召之者。隔以屏障。聽其聲而已。所彈古調百十餘曲。大而風雨雷霆。與夫愁人思婦百蟲之號。一草一木之吟。靡不于其聲中傳之。而尤得意于楚漢一曲。當其兩軍決戰時。聲動天地。屋瓦若飛墜。徐而

○一○卷○之○初○本○紀○盡○括○其○中○自○是○始○編○  
○察○之○有○金○聲○鼓○聲○劍○聲○弩○聲○人○馬○辟○易○聲○俄○而○無○聲○久○之○有○怨○而○  
○難○明○者○爲○楚○歌○聲○淒○而○壯○者○爲○項○王○悲○歌○慷○慨○之○聲○別○姬○聲○陷○大○  
○澤○有○追○騎○聲○至○烏○江○有○項○王○自○刎○聲○餘○騎○蹂○踐○爭○項○王○聲○使○聞○者○  
○始○而○奮○既○而○恐○終○而○涕○淚○之○無○從○也○其○感○人○如○此○應○會○年○六○十○餘○  
○流○落○淮○浦○有○桃○源○人○見○而○憐○之○載○其○母○同○至○桃○源○後○不○知○所○終○  
○軫○石○王○子○曰○古○今○以○琵琶○著○名○者○多○矣○未○有○如○湯○君○者○夫○人○苟○非○  
○有○至○性○則○其○情○必○不○深○烏○能○傳○于○後○世○乎○戊○子○秋○予○遇○君○公○路○蒲○  
○已○不○復○見○異○者○衣○宮○錦○之○盛○矣○明○年○復○訪○君○君○坐○土○室○作○食○奉○母○  
○人○爭○賤○之○子○肅○然○加○敬○焉○君○仰○天○呼○曰○已○矣○世○鮮○知○音○吾○事○老○母○



國朝文金  
三  
百年後將投身黃河死矣。予悽然許君立傳。越五年。乃克爲之。嗚呼。世之淪落不偶。而歎息于知音之寡者。獨君也乎哉。

近人譏侯朝宗王于一文。爲不脫小說家習氣。殆指此等文而言。然其文實妙。讀書焦苦時。偶一閱之。不啻琵琶聲聞于耳畔也。明末異才。迸出此君琵琶。可與柳敬亭說書並稱。

○ ○ 桓 壘 記

盧龍韓子桃平以庚午遭變攜家南下卜浙之上虞居焉己丑亂  
虞城復破徙會稽寓若耶之濱庚子冬予遊會稽韓子坐予最高  
樓樓柱懸折梅丈許貯小瓶內花半萎韓子愀然旣而憤爲告予  
曰傷哉吾壘之不復見也吾外曾大父朱公名錦者宏治間守青  
州盜發齊桓公墓獲寶玉刀劍聞匪事覺藩王及諸有司分取之  
外曾大父得銅壘徑二尺高如之土花繡蝕天將雨現五色雲氣  
光怪陸離不一狀歲臘貯梅其中自蒞而花而實三月不衰數傳  
至吾祖寶之罔失亂後余置小驢載而南亡何虞城破吾壘殉焉

久之有言土豪陳朝廷者入余家搜去遣人屢求贖不應夫以吾先世守之物不沒于盜而沒于豪其甘心乎予曰甚哉子未曠觀

即、用、本、事、極、妙

于古今之際也且以齊桓言之當其憤周室之燬于山戎也刺令友斬孤竹縣車束馬踰大行與卑耳之谿拘秦夏以朝天子何其盛歟及其亡也邱墓之不可保雖盜皆得而侮之山戎之于周猶盜賊也以周室之神器周天子不能自守山戎覬之桓公爲周天子報仇固周四百年使山戎不敢窺春秋特書曰齊侯伐山戎大之也今以齊諸侯之墓守之二千餘年一旦見發于盜賊爲齊之藩王諸有司當必憤然曰此爲周天子伐山戎者也桓公之仇

莊○似○諸○令○人○欲○笑○徐○笑

○似○

周天子之仇也。抑我仇也。藩王諸有司不能制盜賊。又貪盜賊之物。且爭取之。爭取于數傳之後。歷喪亂而猶不忘。是何溺于小而忘其大耶。或曰。曷得之盜賊之手。非韓取之也。今爲韓有矣。有而棄之。是忘其先世也。曰。非也。齊之滅紀也。紀侯大去其國。襄公復九世之仇。何有于顯。迨頃公九年。肇之一戰。而以紀顯獻之于晉。使桓公有知。必痛恨其子孫之不克守其社稷。寧紀顯之不忘哉。子休矣。盜之發塚也。山戎之禍也。豪之得曷也。紀顯之痛也。子明于春秋之義。其于輕重大小。則必有分矣。韓子曰。然抱器而歸。固于志也。若子之言。則誠大矣。然則世之遭亂而忘其家者。毋介介。

于○一○物○之○微○而○修○怨○匹○夫○哉○爲○之○記○

爲玩細娛者作曠達語妙在卽以桓公事證之前以周鼎後以  
紀甌皆足以壓倒桓轡言外更有嬉笑怒罵不可一世之意讀  
之曠若發矇而血淚實滴滴紙上矣

。改葬宋金將軍墓碑

嘗讀史。德祐元年。文丞相至北軍議事。爲伯顏所執。從京口夜遁。道真州。李制置疑之。走通州渡海。時客之相從者。自杜架閣而下。凡十有二人。而金將軍先死通州。余爲之感憤。悲將軍之志。欲往求其墓。而不可得。己亥閏三月。余至通。包子孕靈語余。墓在鹽倉壩立雪窖。蓋將軍之葬。在德祐丙子閏三月十一日。丞相之言曰。不敢求備者。邊城無主。恐貽身後之禍。異時當裹骨還葬廬陵。而後死者之目可瞑。噫。良可痛也。是月十一日。余欲往拜將軍墓。時苦澇。墓當水衝。忽傾洪濤中。孕靈奔告予。及往觀。見大樹浮波上。

兩骨着樹根不去。命居人瘞之。問其樹。居人曰。此將軍樹也。相傳四百年來。人呼爲將軍樹。云。每風雨之久。如聞雷霆。甲馬聲。崇禎十七年。國變。聲遂絕。嗚呼。宋室顛覆。夢炎諸人不足道。獨怪丞相北行。僚從星散。以至親僕。皆逃去。獨將軍上下相隨。二十年。崎嶇險難。刀戟水火。不渝其志。卒也。殞身雪窖。無以發舒其所欲爲。而後之子孫。不能負骨以歸者。豈其存沒不可知歟。悲夫。余以其事告之顏子國瓌。顏子曰。先司馬講院遺址在狼山。藏將軍骨。莫善于此。因與其從子楫謀。收葬之。而告于州守彭公士聖。會六月。江上兵興。趣歸。比寧復來。乃卜十二月二十六日。設儀仗。綵樂。以爲

裹兩骨納石函葬焉葬之日海風大作潮湧數丈余酌酒以祭爲  
文焚其墓前因嘆唐玉潛瘞宋諸陵遺骨處迄于今榛莽狐兔不  
知幾何而將軍猶存兩骨矗立蒼崖之上余以同鄉遭逢異代庶  
幾邀惠將軍之靈自今遷葬以來作鎮土疆一新海山且丞相與  
岳少保並祀茲山相與永奠神州不至陸沉而將軍之魂以雪穹  
爲陽谷不亦丞相之志與異日者吾歸而問其子孫俾崇祀于鄉  
里亦所以慰將軍而報丞相也將軍名應廬陵人其行事官級載  
州志及文丞相集云因弔之以歌歌曰  
下馬先拜丞相祠回頭卽問將軍墓墓到于今幾百年一旦水嚙



將軍樹我來已亥三月三。悲風吹雨連江南。黃雲萬里猶征戰。橫  
海流民飢不堪。滾滾波濤城下走。壩出西門鹽倉口。額岸空遺兩  
骨存。死樹波中立。孤鳥一老向我前。致辭我生大平猶知之。此樹  
每逢陰雨吼。老狐夜夜歔殘碑。崇禎國變遂聲絕。六州錯鑄將軍  
鐵。我讀殘碑丞相詩。字字如聞泣幽咽。天留宋室苟不忘。將軍留  
骨在沙場。豈知渡海人亦滅。柴市雪窖兩茫茫。嗚呼此恨結千古。  
英雄白骨本無主。今朝移爾向狼山。豈爲將軍一坏土。冬青陵上  
近如何。杜鵑猶叫舊山河。將軍魂魄渡滄海。鼙鼓聲銷讀此歌。嗚  
呼將軍樹死將軍不死。後代誰爲傳青史。狼山之上青青天。狼山

之下悠悠水

格老氣蒼真大手筆  
詞慷慨激烈讀之令人擊碎唾壺

。揚州募建許眞君行宮疏

晉寧康二年八月朔眞君許公得道上帝詔其眷屬四十二人白  
晝拔宅飛昇以至雞犬皆仙去迄今千四百餘年其丹竈鐵柱諸  
跡一一具存究其功德之在民者莫大于斬蛟一事昔者聖王御  
世凡民有蓄害天必篤生一人鋤而去之其氣運醇龐天以全力  
畀一人故聖人驅除民患竭手足之力而無事乎神術禽獸偏綱  
呂興蛇龍舞決排作水妖物怪鑄鼎象神姦以辟不若皆出其心  
智治之無異術也後世氣運既薄天之力不足無以厚畀一人而  
民害橫甚不得不資于鬼神之術變化神明使患害無所逋誅用

力苦而成功較難。此真君之功。所以不在上古聖人之下也。嗟乎。  
○衆○據○時○勢○生○知○許○因○人○自○宜○有○此○物○  
真君生司馬晉時。其君臣父子兄弟之際。禍亂相尋。人道或幾乎  
熄。而寧康之時。聽曜虎號。僞健垂之。梟傑紛紜。擾亂天下。災異  
頻仍。犬哀馬驚。兵器動魚羊食。人民生其間。日迫于死亡。而蛟患  
乘釁起。灌城竄奔。楚豫蓋不啻洪水。蛇龍魍魎。魍魎肆行之日也。  
真君以淨明忠孝。奮其神武。翦其妖孽。則救民當不專一方。而迺  
○此○虛○不○說○諸○君○下○能○救○民○遠○與○君○之○龍○除○救○害○而○神○說○真○君○  
以經畧中原之事。讓之謝安。祖逖。劉琨。諸人。毋亦天禍晉室。羣凶  
○知○不○可○救○爲○下○段○作○引○皆○最○神○之○言○  
得志。卽諸君子不能挽氣運于分裂之日。而真君已蚤見及此。歟。  
往者戊子之亂。我江右。魴于百戰。當孤城圍困。百萬戶號呼殿庭。

冀以拯救不得。豈真君在帝左右。不一哀故土歟。抑其時有不可。歟。廣陵乙酉之慘。猶豫章也。此地未嘗有特祀真君者。而豫章之。人在此地爲繁。今鍾子師義。傅子美。梅彭子侯。劉子一山等。相率擇地創建行宮。以崇祀事。可謂不忘本矣。然事資衆力。謂予當有言。以告于人。余與鄉人既邀靈貺。得免故鄉鋒鏑。于全城焚戮之餘。倖也。爾廣陵十五年以來。所存之人。亦猶豫章十二年以來。飄流殘息。無謂功德之在民者。遂分畛域。天運窅渺。其未可測也。凡此下民。其可不益勵修省。以無蹈厥罰。况晉之蛟孽未盡。爲禍九州。廣陵爲大江南北要害。安知不實偪處此。預防其逞而爲之所。

無徒修崇祀之文務實求忠孝淨明以爲昭事庶乎其可也  
人無覺焉妖不自作而天之所廢人誰能興讀中問一段憤鬱  
之詞可勝嘆息

錢烈女墓誌銘

揚州有死節而火葬于下忠貞祠南十五步爲鎮江錢烈女之墓  
烈女死乙酉四月二十七日五日乃火以家于忠貞祠卽其地爲  
墓當其死告于父無葬此土以尸授火父如其言南昌王猷定客  
揚州與里人談乙酉事輒爲詩文弔之歲丙申春其父乞余銘痛  
哭言曰吾老人無兒自吾女死而老人不欲生也城破督師史公  
率兵趨東門女決其必死已持刀欲自剄余挽其手積薪以焚余  
又奪去結縊絲絕縊又斷余皇急不知所出不得已乃予以藥曰  
汝姑覩緩急可也猷定爲之感泣時賓客聞者皆流涕又言曰嗚

三○拔髮○

○插○斷○

續○飲○自○剄○

續○飲○自○焚○

四○飲○藥○

三

呼吾老人十年以來頭童然秃且盡而視聽茫然而肝肺崩裂如沸如屠然每憶吾女吞藥不得死吾老人不知生之可戀而死之可悲兵入以戈刺牀下數刺輒抵其隙乃去不知女反匿牀下藥發喘不絕余以老妻抱之慟強飲以水不死女泣謂余曰兒必死無緩兒爲也兒受生養十六年父母又無男兒不能與父母相養以生相待以老俾至于終身而今使父母收我骨目不瞑矣父老祖宗之不血食家世江南當與母勉圖歸計耳時注水庭中立起以頭投水○五○投○水○水淺自頂以上不及頸余力持之起目瞪口瀉水如注是時雨甚門外馬蹄踐血與泥聲濺濺比屋殺人焚廬火四起夜



女以紙漬水塞口鼻強余手閉其氣令絕余心慟手不能舉又解衣帶強母縊之母倉皇走出聞足聲牀閣閣嗚呼死矣猷定聞益悲烈不銘烈女名淑賢父爲鎮江錢公應式母卞氏公善醫活人者衆女死後受兵挺刃數十不死兵縛公欲殺以手格之皆仆地反得免卞時病甚亦受刃久之復甦人以爲女之陰助云銘曰三光絕一炬烈后土爭之土欲裂瘞爾于忠貞之旁麗重離以照四方之缺

竟體不著議論純就其父請語敘次成文情事如見如聞逼真左史手筆

書袁山先生四山樓藏卷補入潯陽手蹟事

嗚呼公燕市一死上帝駭怛雨傾洞三日公尸立勃勃面若生震

霆發夏無遠近咸異焉獨乙酉江州首變公郵家筒若詩若書凜

特地表此一事

揭大義使亂臣賊子匍伏端門聽南史執斷也孰貽之孰白之與

此段敘事之緣起

次年夏有騎犢男子詣都自稱故太子詔使公卿將軍中二千石

雜議視未考察遽加以刑當是時人情悲憤思先帝冀得真大臣

又昧賄不法遂欲殺太子不仁于是左鎮良玉得聞請以兵臨闕

下誅首惡且謂公大臣有重望國故所繫脇與東下公曰晉陽甲

不可訓也自古潯陽發難若桓南郡何嘗不移檄京邑罪狀元顯

耶弗從未幾九江焚左乃使壯士持陌刀留繫單船公飯陌刀亦  
飯公弗寢陌刀亦弗寢越日持牛酒江上邀公誓公佯應曰如是  
願所過郡縣秋毫無犯軍中曰諾已公乃從容讓左曰高皇帝負  
若耶烈皇帝負若耶奈何欲以鄙夫故劫天子今又暴百姓百姓  
皆戴先帝太子者也以太子嗣先帝之故殘百姓安得賢我段秀  
實也豈從泚反耶良玉雖暴抗然聞言背汗下喘發曰我終不可  
以抗袁公一夕自恚死先是公知良玉意不返以密章達都下使  
使橫截江中架大礮至則皆糜也故翦髻髮一束馳書上皇帝  
錄其副馳白父母曰人臣事君猶父母也今爲君故而幾危父母

此段寫事、筆簡、而所謂潯陽手蹟也

以不孝名。吾有死耳。念受兩朝鉅恩。凡一身皆朝廷賜也。顧毛種。種則是親所貽。全而歸。昔張湊歸。顏所髮于其妻。疑之。髮若動。我髮歸。見父母。當如是。因慟。喪失聲。其後書衣帶藏。敗笥。使牧兒授。定俾蚤達。又貽定書曰。從此雪窖冰天。爲異域鬼矣。寄語家人。收我骨南歸。幸甚。爾時定酸痛。愴痛人鬼。其泣豈意今日尚有魂魄哉。凡責人以死已難。然斷頭瀝血。或志士之分。至于求死而又不。得出九江。發池陽。無一日不求死。縊不死。溺不死。七日不食。復不。死。豈真如祝宗所禱。一死而竟不能得者耶。公之行與信國文公。何異。服腦子當死。板橋遇兵。伏叢篠中。當死。空坑七日不食。當死。

此段補寫其大節不愧文山先生

卒之繫囚燕獄。從容南面而後死。蓋天留正氣。以一死奠乾坤。按節候氣。咸其自主。水火兵刃。弗能斂也。公處艣艣中。萬變出沒。氣息纔屬矣。而清嘯晬晬。獨炯炯如星光電燭。常不宵卽隕者。心不死。故不死也。至大兵下秋浦。王侯將相。一時奔潰。圖籍印符。狼籍道上。公檻車北道。望哭西山。艱難百折。乃濺頸血三忠祠。下舍笑入地。嗚呼。公之笑。天下萬世之哀鬼神。之愁猩鼯獐狢之啼猷。定與其門人。高孝先。淚盡而繼以血者也。孝先平日珍公手蹟多。此與寫藏維揚城破。孝先從長干圻。足步歸塗。附附面丐行入市。屍蟲蠕蠕然。達黃股間。人豕被髮羣立而啼。重關複壁。絡版甃石。卽其家。

碎矣。欲得其八十老母。及公蹟于血肉川谷中。不良朽蟬斷者。無  
是決也。及歸。搜其母。與藏帙。依然所不及收者。潯陽一篇。屬歟。定  
補入。宋張毅甫負信公。顱骨還葬吉州。林惠州亦昇母柩。同日俱  
至。人謂忠孝所感。定愧不能如惠州之昇。而孝先則已成千載高  
風矣。余嘗過四山樓下。風雨晝昏。星辰夜動。如蕭衣冠呼之。或出  
精誠之至。斷而復連。將公灝氣所憑。二祖烈宗其呵護之者歟。嗚  
乎。昭陵玉匣。金粟寒堆。其誰知之。定與孝先當效鐵函沉狼山。古  
井。年年焚香陳酒漿。祭醊聽杜宇。哭冬青耳。公其鑒諸。

以鴻筆寫孤忠元氣渾淪精神噴鬱敘次議論皆臻絕頂

○表貞遺墨弁言

劉忠正公念臺先生與先君辛丑同籍且同志復同戾于黨人乙卯先君以御史例轉分巡浙東越二年京察復被黜此黨人仇辛亥之察百計以傾東林未快其志而又借丁巳計典以修前隙者也先是忠正公太夫人以旌節請于朝報可郡大夫謀建坊苦費絀十三年不克舉先君至慨然力任請之三臺使者又率郡縣官各捐俸以助坊乃成先君題之曰宇宙完貞冰霜勁節先生作孤兒行書高麗紙裝潢一卷以貽先君先君愛而藏之琅琅數百言悽惻纏綿感動行路尋先君擢太僕璫禍起矣乙丑以憂憤嘔血

卒京師。丁卯，猷定渡江，乃得拜見先生。先生執余手，熟視久之，愴然流涕，曰：嗟乎！吾獨不得與尊公同游地下乎！維時伯繩年方十四也。自是小子遭家不造，困躋跬步，不敢前忽忽三十四年。今冬以鋒鏑餘生，再登先生之堂，而蕺山片地歸然首陽，撫今追昔，可勝道哉！伯繩自遭喪亂，以竹編御史大夫門，親朋不得入。余計給門者，掩扉出之，使不得避，然後告以曩者先生執手之語，而亟索其遺文。伯繩盛額曰：吾先子遺命，不得傳布其文，刻文類浮夸浮夸者，欺罔之漸也。故生平所著多軼去，第簡其表貞一帙及先君手書見示，余持之悲喜交心。念故鄉百戰先人手澤淪喪，劫灰而



伯○繩○猶○能○存○兩○家○翰○墨○于○兵○戈○慘○毒○之○餘○豈○非○幸○歟○惜○哉○孤○兒○行○  
不○復○見○也○畧○記○數○語○並○書○啟○詩○跋○錄○授○梓○人○貞○婦○之○節○孝○子○之○情○  
友○誼○之○真○世○道○之○變○胥○盡○于○此○以○示○後○之○人○如○伯○繩○者○乃○可○謂○善○  
繼○人○志○而○余○之○老○而○飄○零○爲○可○愧○也○庚○子○臘○月○二○十○一○日○南○州○王○  
猷○定○書○于○東○武○山○之○千○峯○閣○

一往情深調高響逸

○題明宣宗畫冊

自古帝王以書法傳者多矣。工于畫者推宋徽宗一人。然青城而後委神器于草莽。魂羈雪窖而傳技人間。亦足悲矣。獨明宣宗章皇帝英武天縱。當在青宮時。從文皇北征。習知兵畧。迨御極十載。巡邊閱武者四焉。石門遇敵。以三千鐵騎躬履陣戎。何其壯也。高煦之亂。將帥縮胸涕泣不敢戰。乃親率三軍。兵不血刃而大難。以夷此豈尋常之君也哉。繪事其餘技耳而已。非專家老畫師所能及。此冊爲菊溪先生家藏。一展閱間。山川草木蟲魚飛走腕下。直以造化爭氣運。非幌氏之業也。余嘗怪宣帝時際昇平。與宰相諸

臣○譙○飲○太○液○池○染○翰○賦○詩○爲○樂○庶○幾○鹿○鳴○天○保○之○盛○歟○至○景○星○畫○  
見○于○天○門○麒○麟○展○獻○于○海○外○而○壽○命○不○及○庸○主○之○半○唯○是○范○金○搏○  
土○一○切○制○器○出○宣○廟○者○輒○與○商○周○彝○鼎○爭○重○此○其○故○何○也○先○生○謂○  
余○茲○冊○購○之○荒○崖○蔓○草○中○倂○失○而○復○得○之○此○可○以○知○天○意○矣○當○徽○  
欽○時○內○府○書○畫○悉○歸○于○北○而○先○生○此○冊○獨○自○北○而○南○然○則○帝○王○所○  
遭○卽○一○物○之○微○亦○有○幸○不○幸○歟○先○生○其○寶○而○藏○之○俟○景○星○見○麒○麟○  
生○出○以○示○人○可○也○

以徽宗件講言盡而意仍不盡

題馮大將軍像贊

將軍之貌虎視鷹揚將軍之績破斧缺斨人見其衣鋪玉歸故鄉而不知其飲者血裹者瘡提三尺劍而經百戰之場其事干戈也如韓淮陰之未見漢王其教背嵬也如岳少保之破賊穎昌逮鎮蒙古寇逼門牆誰護陵寢誰掃撓槍四鎮自誇宗澤朝廷錯認李綱恨將軍之寡助乃倏忽而滄桑銅柱標金鰲之頂俎豆列龍山之陽超海坐石變化無方噫嘻哉此真大樹將軍之裔戰赤眉討隗囂變服而伏道旁時耶百拜請之以清我邦

字字老鍊

○柳敬亭爲左寧南寫照而自圖其像于旁識不忘也予爲之

贊

辯○士○舌○將○軍○刀○白○骨○遇○之○以○枯○以○豪○人○知○辯○士○之○所○快○者○英○雄○既○  
朽○之○生○氣○吾○知○將○軍○之○所○恨○者○當○年○未○血○之○戰○袍○斯○人○也○其○皆○有○  
釋○原○此○心○  
關○于○氣○運○而○天○厄○之○以○所○遭○者○歟○噫○嘻○刀○亡○兮○舌○勞○

雙拈到底筆筆生氣